

Ordinaziun tar la lescha da sanadad

sa basond sin l'art. 45 da la constituziun chantunala dals 18 da matg / 14 da settember 2003

relaschada da la regenza ils 16 da decembre 2008

I. Promozion da la sanadad e prevenzion

Art. 1

¹ L'uffizi da sanadad è cumpetent per la promozion da la sanadad e per la prevenzion. El coordinescha ils projects interdisciplinars. <sup>Incumbensas
1. chantun</sup>

² La promozion da la sanadad e la prevenzion en il sectur da la scola è – en il sectur da la scolina e da la scola populara – chaussa da l'uffizi per la scola populara ed il sport, en il sectur da las scolas medias e da las scolas autas chaussa da l'uffizi per la furmazion media-superiura ed en la scola professiunala chaussa da l'uffizi per la furmazion professiunala.

³ La prevenzion secundara e terziara en il sectur da la dependenza da l'alcohol, da drogas e dal gieu è chaussa da l'uffizi dal servetsch social.

Art. 2

Las vischnancas han:

^{2. vischnancas}

- da designar in post ch'è cumpetent per la promozion da la sanadad e per la prevenzion sin plaun communal e sin plaun da la scola;
- ademplind lur incumbensas, d'observar soluziuns che tegnan quint da la sanadad.

Art. 3

Betg sco reclama en il senn da la lescha na valan en spezial:

<sup>Scumond da far
reclama per
alcohol, per tubac
e per products da
tubac</sup>

- l'infurmazion equilibrada e neutrala davart ils products e davart las marcas;
- l'exposizion da products en ina vaidrina da la producenta u dal producent ubain da la vendidra u dal vendider;
- la purschida da products a stans da fiera u da vendita;
- l'inscripziun da vehichels che appartegnan a la firma cun il num da la firma u dals products.

Art. 4

Protecciu da las nunfimadras e dals nunfimaders
1. localitads per fimadras e per fimaders

¹ La surfatscha da las localitads per fimadras e per fimaders dastga importar maximalmain in terz da la surfatscha da las localitads serradas ch'en accessiblas al public, e quai durant l'entir temp ch'il manaschi è avert. Tar manaschis da restauraziun è decisiva la surfatscha ch'e destinada a la consumaziun da spaisas u da bavrondas. Er dancings, discotecas, bars (cun excepcziun da las bars dals hotels) e nightclubs ston garantir per la protecciu da las nunfimadras e dals nunfimaders.

² Localitads, da las qualas duas u dapli da las varts che las cunfineschan èn avertas cumplettamain, na valan betg sco localitads serradas.

³ Las localitads per fimadras e per fimaders ston vegnir marcadas sco talas cun in pictogram.

⁴ Las localitads per fimadras e per fimaders ston esser separadas uschia che las nunfimadras e ch'ils nunfimaders na vegnan betg mulestads dal fim.

⁵ L'access a las localitads per nunfimadras e per nunfimaders na dastga betg manar tras las localitads per fimadras e per fimaders.

⁶ Igl è chaussa da las vischnancies da controllar che questas prescripcziuns vegnian observadas.

Art. 5

2. procedura da multas disciplinarias
a) premissas

¹ La commembra u il commember da la suprastanza communalia ch'e competent per il sectur da la polizia respectivamain las terzas personas ch'en incaricadas da la vischnanca cun incumbensas da polizia èn autorisads da chastiar surpassaments da las disposiziuns davart la protecciu da las nunfimadras e dals nunfimaders tenor l'artitgel 15a alinea 1 da la lescha cun ina multa disciplinara da 50 francs.

² La multa disciplinara dastga vegnir incassada sin il lieu mo, sche la cuntravenziun è vegnida observada da l'organ da polizia sez, sch'ils fatgs èn legalmain e realmain clers sco er sche la persuna fallibla renconuscha ils fatgs che la vegnan renfatschads e sch'ella admetta d'esser culpabla.

Art. 6

b) procedura

¹ La persuna fallibla po pajar l'import directamain u entaifer 30 dis.

² Sch'ina persuna fallibla paja immediatamain la multa, survegn ella ina quittanza. Cun pajar la multa va quella en vigur legala.

³ Sch'ina persuna fallibla na paja betg immediatamain la multa, survegn ella in formular da multa. Sch'ella paja la multa entaifer il termin, vegn il formular destrui. Cas cuntrari vegn fatga ina denunzia tar l'autoridad communalia cumpetenta ed i vegn exequida la procedura penala administrativa ordinaria cun adossar ils custs a la persuna fallibla.

⁴ Sch'ina persuna fallibla che ha ses domicil ordaifer la Svizra na paja betg immediatamain la multa, sto ella deponer l'import u prestar in'autra garanzia adequata.

⁵ En cas da cuntravenziuns d'uffants e da giuvenils che n'han betg anc cumpleni il 15avel onn da vegliadetgna il mument ch'il fatg vegrn commess, na vegrn betg applitgada la procedura da multas disciplinaras.

Art. 7

¹ La quittanza conferma mo che l'import da la multa disciplinara è vegrn pajà. Ella è anonima. ^{c) cuntegn da la quittanza e dal formular da multa}

² Il formular da multa sto cuntegnair las suandardas indicaziuns:

- num, prenum, data da naschientscha e domicil da la persuna fallibla;
- ura e lieu da la cuntravenziun cunter l'artitgel 15a alinea 1 da la lescha davart ils fatgs da sanadad dal chantun Grischun;
- l'import da la multa;
- l'indicaziun ch'i vegrnia exequida la procedura penala administrativa ordinaria, sche la multa na vegrn betg pajada entaifer 30 dis;
- la data da la consegna dal formular da multa;
- la suittascripziun da l'organ da polizia.

Art. 8

¹ Adattadas da vegrnir consumadas sco narcotics èn tut las spezias da chonv cun ina concentrazion da tetraidrocannabinol (THC) che surpassa probablament 0,3 percentschent en il stadi madir. ^{Cultivaziun da chonv 1. princip}

² L'uffizi da sanadad ha il dretg da prender emprovas per sclerir, sch'il chonv cultivà è adattà da vegrnir consumà sco narcotic.

Art. 9

La cultivaziun da spezias da chonv ch'èn adattadas da vegrnir consumadas sco narcotics po – sin dumonda – vegrnir permessa da l'uffizi da sanadad sut la cundizion ch'i vegrnian prendidas mesiras da segirezza suffizientas, sche la persuna u sche la firma che fa la dumonda dispona d'ina permissiun excepcionala corrispondenta da l'uffizi federal da sanadad publica e sche l'applicaziun da la substansa che vegrn gudagnada dal chonv e ch'è adattada da vegrnir consumada sco narcotic, vegrn fatga sut in accumpagnament medicinal.

2. excepziuns

Art. 10

¹ Persunas che cultiveschan diesch e dapli plantas da chonv han d'annunziar quai a l'uffizi da sanadad. Questa annunzia sto vegrnir fatga avant che las plantas cultivadas han cuntanschi in'autezza da 10 centimeters, meserà dal cumenzament da la ragisch fin al piz da la planta.

3. obligaziun d'annunzia

² L'annunzia sto cumpigliar las suandardas indicaziuns u ils suandardants documents:

- a) la spezia che vegg plantada;
- b) la derivanza da la semenza;
- c) il lieu precis e la grondezza precisa da la surfatscha da la plantazion;
- d) las producentas ed ils producents responsabels;
- e) l'intent previs da l'utilisazion;
- f) il contract da cumpria.

³ L'obligaziun d'annunzia croda, sch'igl è veggida fatga ordavant – en il rom da la registrazion da las datas da structura – in'annunzia davart la cultivaziun a l'uffizi d'agricultura e da geoinfurmaziun, e quai cun las indicaziuns e cun ils documents tenor l'alinea 2.

II. Permissiuns da manaschi per purschidas per la tgira e per l'assistenza staziunara da pazientas e da pazients stabels e da persunas attempadas sco er per servetschs da la tgira e da l'assistenza a chasa

1. EN GENERAL

Art. 11

Inoltrazion da las dumondas

¹ Dumondas per dar e per renovar permessiuns da manaschi ston veginir inoltradas tenor las directivas ch'en publitgadas sin la pagina d'internet da l'uffizi da sanadad.

² La cumprova che las premissas per survegnir ina permissiun èn ademplidas sto veginir structurada tenor las directivas da l'uffizi da sanadad.

Art. 12

Durada da las permissiuns

Las permessiuns ston veginir limitadas ad ina durada da maximalmain 4 onns.

Art. 13

Personal per la tgira e per l'assistenza

¹ Lavurs da tgira dastgan veginir fatgas mo da personal spezialisà e da personal d'assistenza dal sectur da la tgira e da l'assistenza.

² Sco personal spezialisà dal sectur da la tgira e da l'assistenza valan: tgirunza u tgirunz cun ina scolaziun tenor CQ CCS, spezialista u spezialist da sanadad ESS, tgirunza u tgirunz DN I, tgirunza u tgirunz diplomà DN II (TPSi, TGM), tgirunza u tgirunz diplomà SPS, spezialista u spezialist d'assistenza ESA, assistenta u assistant da persunas attempadas (AFQ u cun ina renconuschienscha da la CDAS) sco er tgirunza u tgirunz da chasa AFQ ubain tgirunza u tgirunz da chasa qualifitgà che ha ina

renconuschientscha chantunala e che ha absolvì ina furmazion supplementara, ch'è renconuschida da l'uffizi da sanadad, en tractament da tgira ed en farmacologia e persunas che han in diplom ester ch'è renconuschì da la crusch cotschna svizra (CCS) u che han ina scolaziun equivalenta.

³ Sco persunal d'assistenza dal sectur da la tgira e da l'assistenza valan: gidantra u gidanter da tgira CCS, assistenta u assistent da tgira, assistenta u assistent da persunas attempadas (AFQ u cun ina renconuschientscha da la CDAS) sco er tgirunza u tgirunz da chasa AFQ ubain tgirunza u tgirunz da chasa qualifitgà che ha ina renconuschientscha chantunala u che ha ina scolaziun equivalenta.

2. CHASAS DA TGIRA, GRUPPAS DA TGIRA ED ABITAZIUNS DA TGIRA

Art. 14

Chasas da persunas attempadas e da tgira, gruppas da tgira ed abitaziuns da tgira adempleschan las pretensiuns areguard il spazi, sche:

Premissas per la
permissiun
1. areguard il
spazi

- a) la concepczion dal spazi correspunda a la norma SN 521 500 "Construir tenor ils basegns da persunas cun impediments" da l'associazion svizra da las persunas invalidas, als fegls d'infurmazion 7/95 e 5/98 dal post svizzer spezialisà per la construczion adattada a las persunas cun impediments, sco er a las pretensiuns che l'uffizi da sanadad fa per las localitads e per ils implants al liber sco er per las staziuns per persunas cun demenza da chasas da persunas attempadas e da tgira subvenziunadas. L'uffizi da sanadad po permetter excepczioni en il cas singul;
- b) il concept da spazi è coordinà cun il concept da gestiun.

Art. 15

Chasas da persunas attempadas e da tgira, gruppas da tgira ed abitaziuns da tgira adempleschan las pretensiuns areguard la gestiun, sch'ellas:

2. areguard la
gestiun

- a) han in concept da gestiun sco er in concept da tgira e d'assistenza per tgirar e per assister en moda adequata las abitantas ed ils abitants inclusiv las persunas cun demenza;
- b) garanteschan il provediment medicinal da las abitantas e dals abitants che vegn fatg d'ina media u d'in medi;
- c) han ina media u in medi da chasa;
- d) garanteschan l'assistenza psychiatrica da las abitantas e dals abitants;
- e) han in'apotecra conciliara u in apoteker conciliar;
- f) han persunal spezialisà per la tgira e per l'assistenza durant 24 uras;
- g) han ils indritz, ils apparats ed ils meds auxiliars ch'en necessaris per la tgira e per l'assistenza da las abitantas e dals abitants.

Art. 16

3. areguard il personal
a) en moda qualitativa

¹ Chasas da persunas attempadas e da tgira, gruppas da tgira ed abitaziuns da tgira adempleschan las pretensiuns qualitativas areguard il personal, sche:

- a) la manadra u il manader da la purschida ha in diplom ch'è renconuschì da l'uffizi da sanadad sco directura u sco directur da la chasa u ina scolaziun equivalenta;
- b) la manadra u il manader dal sectur da la tgira e da l'assistenza ha in diplom federal sco tgirunza u sco tgirunz ubain in diplom equivalent, ina furmazion supplementara ch'è renconuschida da l'uffizi da sanadad en il sectur da la gestiun ed ina furmazion supplementara ch'è renconuschida da l'uffizi da sanadad en la tgira ed en l'accompagnament d'umans che han malsognas psichicas;
- c) la manadra u il manader da la partiziun u da la structura dal di per persunas cun demenza ha in diplom federal sco tgirunza u sco tgirunz ubain in diplom equivalent sco er ina scolaziun supplementara ch'è renconuschida da l'uffizi da sanadad en psicogeratria;
- d) la quota dal personal spezialisà importa 40 pertschient dal personal dal sectur da la tgira e da l'assistenza ch'è minimalmain necessari tenor l'artitgel 17;
- e) 20 pertschient dal personal dal sectur da la tgira e da l'assistenza ch'è minimalmain necessari tenor l'artitgel 17 han ina scolaziun cun in diplom en tgira ed en assistenza.

² L'uffizi da sanadad po conceder excepziuns, sch'il manaschi cumprova ch'el n'ha betg pudi recrutar u ch'el n'ha betg pudi recrutar suffizientamain personal che correspunda a las pretensiuns. 85 pertschient da l'effectiv da personal ch'è necessari tenor l'artitgel 17 na dastgan en quest connex betg vegnir sutpassads.

Art. 17

b) en moda quantitativa

¹ Chasas da persunas attempadas e da tgira, gruppas da tgira ed abitaziuns da tgira adempleschan las pretensiuns quantitativas areguard il personal, sch'igl è avant maun l'effectiv da personal ch'è necessari per ina tgira e per in'assistenza adequata da las abitantas e dals abitants, per garantir la qualitat e per assister las emprendistas ed ils emprendists.

² L'effectiv da personal necessari sto vegnir eruì sco suonda:

multiplicazion dals puncts SCRA da tut las abitantas e da tut ils abitants da l'onn precedent cun il temp da 3 minutias e 6 secundas (u 186 secundas) per di e per punct SCRA che sto vegnir impundi per ina tgira adequata.

³ Tar l'effectiv da personal che resulta da l'alinea 2 ston vegnir adids ils suandants supplements:

- a) 15 pertschient per prestaziuns che n'en betg suttamessas a la LAM;
- b) in temp da 10 minutias per di e per abitanta u per abitant dal stgalim SCRA 0.

⁴ Tar l'effectiv da persunal che resulta da l'alinea 3 ston vegnir adids ils suandants supplements:

- 10 pertschient per il temp betg productiv;
- 10 pertschient per conceder bunificaziuns da temp per il servetsch da notg (da las 23.00 fin las 6.00);
- 4 pertschient per plazza da lavur per garantir la qualitat e per manar il persunal sin il stgalim da stazion;
- 0.1 plazzas da lavur per emprendista u per emprendist da la scolaziun en tgira ed en assistenza;
- 0.2 plazzas da lavur per abitant u per abitant che fa diever da purschidas renconuschidas per persunas cun demenza.

⁵ La lavur che vegn prestada da las emprendistas e dals emprendists da la scolaziun en tgira ed en assistenza vegn messa a quint cun 30 pertschient.

⁶ L'uffizi da sanad po permetter excepcziuns en il cas singul.

Art. 18

Chasas da persunas attempadas e da tgira, gruppas da tgira ed abitaziuns da tgira ston ademplir las suandantas prescrizjoni da qualitat: ^{4. prescrizjoni da qualitat}

- il manaschi utilisescha in sistem per il manaschament da la qualitat ch'è orientà al process e che cuntegna ils standards per ils secturs che vegnan fixads da l'uffizi da sanad. Il sistem per il manaschament da la qualitat sto esser certifitgà d'in post ch'è accredità dal servetsch d'accreditaziun svizzer per ils fatgs da sanad;
- il manaschi garantescha ina qualitat adequata da la tgira e da l'assistenza.

3. SERVETSCHS DA LA TGIRA E DA L'ASSISTENZA A CHASA

Art. 19

Ils servetschs da la tgira e da l'assistenza a chasa adempleschan las pretensiuns areguard la gestiun, sche: ^{Premissas per la permission I. areguard la gestiun}

- els han in concept da gestiun sco er in concept da tgira e d'assistenza;
- l'administraziun è cuntanschibla per telefon ils lavurdis durant almain 5 uras;
- i po vegnir mess a disposiziun a curta vista in servetsch da pichet da 24 uras per clientas e per clients, tar las qualas e tar ils quals i sto vegnir fatg quint cun ina situaziun da crisa;
- ina tgirunza u in tgirunza diplomà stat a disposiziun per instruir e per assistier il persunal che lavora en la tgira durant ils temps da tgira usitads.

Art. 20

2. areguard il personal
a) en moda qualitativa

¹ Ils servetschs da la tgira e da l'assistenza a chasa adempleschan las pretensiuns areguard il personal, sche:

- a) la directura u il directur ha terminà ina scolaziun da l'economia da manaschi ch'è renconuschida da l'uffizi da sanadad u ina scolaziun equivalenta;
- b) la manadra u il manader dal sectur da la tgira e da l'assistenza ha in diplom federal sco tgirunza u sco tgirunz sco er in diplom supplementar en tgira ch'è renconuschida da l'uffizi da sanadad u ina furmaziun supplementara equivalenta;
- c) la manadra u il manader d'acziun ha in diplom federal sco tgirunza u sco tgirunz e po cumprovar d'avair fatg ina furmaziun supplementara ch'è renconuschida da l'uffizi da sanadad sco manadra u sco manader d'acziun sco er ina scolaziun ch'è renconuschida da l'uffizi da sanadad per sclerir il basegn da tgira e d'assistenza;
- d) il personal d'assistenza ch'è responsabel per la tgira e per l'assistenza ha absolvì almain il curs da gidantras e da gidanters da tgira da la crusch cotschna svizra.

² Per in temp limità po l'uffizi da sanadad conceder excepcziuns per las premissas a la furmaziun supplementara tenor las literas b e c, sch'il servetsch cumprova ch'el n'ha betg pudi recrutar il personal che ademplescha questas pretensiuns.

Art. 21

b) en moda quantitativa

Ils servetschs da la tgira e da l'assistenza a chasa adempleschan las pretensiuns quantitativas areguard il personal, sche:

- a) la structura dal personal tenor l'artigel 22 literas c e d è dada;
- b) igl èn avant maun per mintga plazza a temp cumplain 4 per tschient da plazzas che vegnan impundids per la garanzia da la qualitat e per la direcziun dal personal;
- c) igl èn avant maun 0.1 plazzas per l'accumpagnament da mintga emprendista u da mintga emprendist da la scolaziun en tgira ed en assistenza.

Art. 22

3. qualitat da la structura

Ils servetschs da la tgira e da l'assistenza a chasa han d'ademplir las suandantas prescripcziuns da qualitat:

- a) ils princips da qualitat dal chapitel 8 dal concept da qualitat dals servetschs da la spitex dal Grischun dals 9 da december 1999 èn realisads;
- b) las collavuraturas ed ils collavuraturas absolvan furmaziuns supplementaras internas u externas en la dimensiu d'almain 1 per tschient da las uras da lavur che vegnan prestadas;

- c) la structura dal persunal sto esser uschia che las prestaziuns da tgira tenor l'artitgel 7 alinea 2 litera b da l'ordinaziun davart las prestaziuns per la tgira da persunas malsauñas vegnan furnidas per maximalmain 15 pertschient da persunal d'assistenza ch'è responsabel per la tgira;
- d) la structura dal persunal sto esser uschia che las prestaziuns da tgira tenor l'artitgel 7 alinea 2 litera c da l'ordinaziun davart las prestaziuns per la tgira da persunas malsauñas vegnan furnidas per maximalmain 75 pertschient da persunal d'assistenza ch'è responsabel per la tgira.

III. Permissiuns per pratitgar la professiun

1. DISPOSIZIUNS GENERALAS

Art. 23

¹ Pratitgond lur professiun han persunas che possedan ina permissiun per pratitgar la professiun da sa restrenscher al champ da lavour che correspunda a la scolazion ed a la furmaziun supplementara ch'en spécificas per la professiun.

Champ d'actividad

² Sch'il tractament dal stadi d'ina persuna surpassa lur enconuschienschas e lur qualificaziuns spécificas per la professiun, èn ellas obligadas da consultar ina persuna che posseda quellas enconuschienschas e quellas qualificaziuns spécificas per la professiun.

2. DISPOSIZIUNS PER SINGULAS PROFESSIONS

Art. 24

L'igienicra u l'igienicher da dents è autorisà da retrair, d'applitgar e da recomandar medicaments ch'en usitads per pratitgar la professiun e che na pretendan betg in recept.

Igienicra u igienicher da dents;
applicaziun da medicaments

Art. 25

La spendrera u il spenderer è autorisà d'applitgar ils medicaments designads dal departament, e quai senza in'ordinaziun da la media u dal medi.

Spendrera u spender
1. applicaziun da medicaments

Art. 26

¹ En cas da cumplicaziuns durant la gravidanza, durant la naschientscha u durant la pagliola è la spendrera u il spenderer obligà da consultar ina media u in medi.

2. obligaziuns
professiunales

² Diagnosas extraordinarias tar la mamma e tar l'uffant sto ella u el annunziar immediatamain a la media u al medi.

³ En cas da naschientschas d'in uffant mort è la spendrera u il spender obligà d'infurmarr la media districtuala u il medi districtual.

Art. 27

Naturopata u
naturopat
1. premissas da
permissoiu

La permissiu per pratitgar la professiun sco naturopata u sco naturopat vegn dada a persunas che sa legitimeschan:

- per il sectur spezial da l'omeopatia: tras ina registraziu en il register da medischina empirica, cun avair absolvi cun success l'examen tar l'unioon da l'examen svizzer d'omeopatia u tras il titel da furmaziun supplementara da la Fœderatio Pharmaceutica Helvetiæ en omeopatia classica;
- per il sectur spezial da la medischina tradiziunala chinaisa: tras ina registraziu en il register da medischina empirica u cun avair absolvi cun success l'examen tar l'organisaziun professiunala svizra da la medischina tradiziunala chinaisa;
- per il sectur spezial da la naturopatia europeica tradiziunala: tras ina registraziu en il register da medischina empirica u cun avair absolvi cun success l'examen tar la cumissiun d'examen e da certificaziun da l'associazion svizra da las naturopatas e dals naturopats.

Art. 28

2. concessiun da
la permissiu

La permissiu per pratitgar la professiun sco naturopata u sco naturopat vegn dada en la dimensiun, en la quala la naturopata u il naturopat è registrà en il register da medischina empirica, u en la dimensiun da la metoda u da la gruppera da metodas ch'è vegnida examinada d'expertas e d'experts da l'organisaziun professiunala correspundenta.

Art. 29

3. applicaziun da
medicaments

¹ A la naturopata u al naturopat èsi permess d'applitgar medicaments admes che na basegnan betg in recept ubain medicaments che na basegnan betg in'admissiun, e quai sco suonda:

- en il sectur spezial da l'omeopatia: per medicaments omeopatic;
- en il sectur spezial da la medischina chinaisa tradiziunala: per medicaments da la medischina chinaisa tradiziunala;
- en il sectur spezial da la naturopatia europeica: per medicaments da la medischina alternativa, cun excepcziun da tals dals secturs spezials da l'omeopatia e da la medischina chinaisa tradiziunala.

² Igl è scumandà ad ella u ad el da recumandar a pazientas ed a pazients l'applicaziun da medicaments che basegnan in recept. Ella u el sto segnar recumandaziuns en scrit da medicaments da las categorias da consegna D fin E sco "recumandaziun per in medicament".

Art. 30

4. obligaziuns
professiunala

A la naturopata u al naturopat èsi scumandà:

- da prender giu sang e da far injecziuns u d'applitgar autres praticas che pon avair per consequenza blessuras corporalas u perditas da

- sang. Exceptà da quai èn l'applicaziun da ventosas, l'applicaziun da la tecnica tenor Baunscheidt e l'applicaziun da sanguettas;
- b) d'applitgar substanzas e meds fisicals che periclitescan la sanadad;
 - c) da far intervenziuns medicinalas e chirurgicas ed intervenziuns da l'assistenza al part;
 - d) da tractar malsognas transmissiblas che ston vegnir annunziadas, inclusiv malsognas sexualas;
 - e) da far manipulaziuns vi da la spina dorsala e vi da l'apparat motoric;
 - f) d'emetter expertisas uffizialas, attestats uffizials ed attestaziuns uffizialas.

Art. 31

La permissiun per l'activitat sco psicoterapeuta u sco psicoterapeut vegn concedida a petentas ed a petents senza diplom da media u da medi federal, sch'ellas u sch'els cumprovan:

- a) d'avair fatg in diplom universitar en psicologia sco rom principal u en ina cumbinaziun da roms correspondenta ad in'universitat svizra. En cas motivads po l'uffizi da sanadad renconuscher ina scolaziun fundamentala divergente;
- b) d'avair fatg ina scolaziun che sa basa sin ina metoda da psicoterapia renconuschida scientificamain, da la quala l'efficacitad cumpiglia in vast sectur d'applicaziun;
- c) d'avair applitgà pli profundamain la metoda da psicoterapia tschernida sin l'atgna persuna sco er sin otras personas, e quai sut ina controlla professiunala;
- d) d'avair enconuschienschas teoreticas suffizientas dal sectur general dal svilup da la personalidad e da ses disturbis (inclusiv l'uffanza e la giuventetgna) sin ina basa ch'è renconuschida da la sciensa;
- e) d'avair absolvi in'activitat pratica che cumpiglia l'entir sectur da stadis psicopatologics da la vegliadetgna da personas creschidas e/u da l'uffanza e da la giuventetgna. Ella po esser ina part da la scolaziun psicoterapeutica;
- f) d'avair manà 400 sesidas terapeuticas.

Psicoterapeuta u
psicoterapeut;
pretensiun
d'admissiun

Art. 32

La direcziun medicinala dal servetsch da salvament e la media u il medi ch'è preschent al lieu da l'accident pon autorisar la sanitara u il sanitar da salvament d'applitgar medicaments.

Sanitara u sanitar
da salvament;
applicaziun da
medicaments

Art. 33

¹ Per lavurar sco osteopata u sco osteopat basegni ina permissiun.

Osteopatia

² La permissiun per lavurar sco osteopata u sco osteopat vegn concedida, sche la petenta u sch'il petent posseda il diplom interchantunal ed ademplescha las ulteriuras premissas tenor l'artitgel 30 da la lescha da sanadad.

3. SUBSTITUZIUN

Art. 34

Durada

¹ La permissiun per far ina substituziun vegn concedida fin ad 1 onn.

² La permissiun per manar transitoricamain ina pratica d'ina persuna defuncta vegn concedida fin ad 1 onn.

³ La permissiun po vegnir prolungada.

4. DRETGS ED OBLIGAZIUNS

Art. 35

Consegna da medicaments tras medias e tras medis

La stgatla originala la pli pitschna sa drizza tenor il cumpendi svizzer dals medicaments[®].

Art. 36

Servetsch d'urgenza da las apotecas

Il servetsch d'urgenza permanent è garantì, sch'ina titulara u sch'in titular d'in diplom federal renconuschi ubain d'in diplom renconuschi en tut la Svizra sco apoteca u sco apotecher è cuntanschibel per telefon di e notg e sche la consegna dals medicaments entaifer 30 minutias è garantida.

IV. Disposiziuns finalas

Art. 37

Cundiziuns transitoricas 1. permissiuns

¹ En il rom da la permissiun concedida èsi vinavant permess da pratitgar ina professiun che sa basa sin ina permissiun ch'è vegnida concedida avant l'entrada en vigur da questa ordinaziun.

² Purschidas per la tgira e per l'assistenza staziunara da pazientas e da pazients stabels e da personas attempadas sco er per servetschs da la tgira e da l'assistenza a chasa ston ademplir las premissas per la permissiun tenor ils artitgels 14 ss. respectivamain 19 ss. il pli tard fin ils 31 da december 2010.

Art. 38

2. naturopatia

A personas ch'en vegnidadas dispensadas da l'examen avant il 1. d'avrigl 2006 sin basa dals reglements u sin basa dals statuts dal ESO, da la OPS-MTC u da la SPAK vegn dada la permissiun per pratitgar la professiun, senza che las premissas per la permissiun tenor l'artitgel 27 sajan ademplidas.

Art. 39

Abolinziun dal dretg vertent, entrada en vigur

¹ L'ordinaziun tar la lescha da sanadad dals 28 da mars 2006 vegn abolida.

² Questa ordinaziun entra en vigur il 1. da schaner 2009.